

LETTRE DE CACHET

ENVOYEE PAR LE
Roy à Messieurs de la Cour
de Parlement.

*Sur la detention de la personne du
Marquis de la Vieuville.*

8



M. DC. XXIII.

THE GREAT BRITISH
AMERICAN

THE GREAT BRITISH
AMERICAN

THE GREAT BRITISH
AMERICAN



THE GREAT BRITISH
AMERICAN



DE PAR LE ROY.

NOs amez & fcaux. Bien que nous n'ayons iamais rien tant fouhaité que l'establissement d'un bon conseil, par le moyen duquel toutes choses sont maintenues en leur ordre à la gloire de ceste couronne, & au bien & soulagement de nos fujets, ny rien eu tant à contre-cœur que le changement en ce qui regarde les personnes des Ministres & principaux Officiers de nostre Estat. Neantmoins pour certaines considerations & importantes à nostre seruice, & dont les inconueniens estoient de telles consequence, que si le cours en eust du-

ré plus long temps, il nous eust esté tres-difficile de garentir ce Royau-
me d'une entiere ruyne. Nous auôs
esté contraints de demettre le Mar-
quis de la Vieuuille de la charge de
Sur-intendant de nos Finances; Et
en outre de nous asseurer de sa per-
sonne, attendant que nous ayons
pourueu aux choses plus importan-
tes qui concernent le bien & la re-
putation de nos affaires, auxquelles
nous voulons traualler sans inter-
mission. Ce nous a esté vn extrefme
regret de n'auoir peu trouuer autre
voye que celle que nous auôs prise:
mais nous auons esté reduits à ceste
necessité par la continuation de la
mauuaise conduite dudit de la Vieu-
uille, qui a esté iusques à ce point
que de changer sans nostre sceu les
résolutions prinſes en nostre pre-

sence. De traiter avec les Ambas-
 sadeurs residans aupres de nostre
 personne, contre nostre ordre,
 nous supposer diuers aduis à dessein
 de nous donner ombrage, de ceux
 en qui nous pouuons auoir seure-
 ment confiance, & reietter sur nous
 la hayne qu'il s'est attiree en exetçât
 ses passions contre les particuliers.
 Nous auons bien voulu pour vn
 temps ne luy tesmoigner pas ouuer-
 tement le ressentiment que nous
 auons de tels deportemens; luy fai-
 sant cependât assez cognoistre que
 nous ne les approuuions, pour luy
 donner lieu de s'en corriger par
 l'aprehension d'encourir nostre dis-
 grace. Et ceste patience nous ayant
 esté inutile, nous ne doutons point
 que Dieu ne face reussir le remede
 auquel nous auons eu recours, &

6
nous donner la grace d'apporter un
si bon reglement en nostre Conseil
& en tout nostre Estat, qu'un cha-
cun cognoistra que nous ne pou-
uons plus ne omer en pareils in-
conueniens. Nous auons iugé à
propos vous en donner aduis. Au-
quel selon vos bonnes intentions
vous contribuerez de vostre part à
tout ce qui sera necessaire pour le
bien de nostre seruice, & le repos de
nostre Estat.

Escrit à S. Germain en Laye ce 13.
Aoust 1624.

Ainsi signé, L. O V Y S
Et plus bas, DE LO ME NIE: